

ამბროლაურის მუკაქაქა



ამბროლაურის
მუნიციპალიტეტი

№2 (9909) ◆ აპრილი, 2024 წელი ◆ ფასი 50 თეთრი ◆ გაზეთი გამოდის 1933 წლის 3 მაისიდან

5 მაისს აღგომის ბრწყინვალე ღონისძიებები! გილოცავთ!

ანგარიში ჩაბარებულია,

ახლახანს ამბროლაურის მუნიციპალიტეტის მერი, ზვიად მხეიძე საზოგადოების წინაშე 2023 წელს გაწეული საქმიანობის ანგარიშით წარსდგა. მან მსმენელთა ფართო აუდიტორიას მიაწოდა ინფორმაცია იმის თაობაზე, რომ ამბროლაურის მუნიციპალიტეტის 2023 წლის ბიუჯეტის მოცულობამ 26 363 148 ლარი შეადგინა და მთლიანი ფინანსური რესურსი მიზნობრივად გადანაწილდა სხვადასხვა სფეროს მიმართულებით ადგილობრივი მოსახლეობის საჭიროების შესაბამისად.

პრიორიტეტული მიმართულებებიდან ინფრასტრუქტურის განვითარებაზე საანგარიშო პერიოდში ბიუჯეტში გათვალისწინებული იქნა 10 315 071 ლარი. რის შედეგადაც განხორციელდა 129 ინფრასტრუქტურული პროექტი.

მაგალითად გაღმა ბარეულში, ბაჯში, ხონჭიორსა და გორში განხორციელდა წყალმომარაგების სისტემების სარეაბილიტაციო სამუშაოები, რომლებზეც 1 200 000 ლარზე მეტი დაიხარჯა. აღსანიშნავია, რომ დღეს უკვე წყალი მიწოდება ისეთ სოფლებს, რომლებსაც ათწლეულების მანძილზე აწუხებდათ ეს პრობლემა.

ხორციელდება ისეთი მნიშვნელოვანი პროექტები როგორცაა ხორციელდება დამაკავშირებელი 8.4 კილომეტრი სიგრძის გზის სარეაბილიტაციო სამუშაოები, ღირებულებით 6 345 000 ლარი, რომელიც მუნიციპალური განვითარების ფონდის დაფინანსებით ხორციელდება, ასევე ჟოშხა-გენდუშის 5 კმ-მდე საავტომობილო გზის რეაბილიტაცია ღირებულებით 3 300 000 ლარი, რომელსაც საავტომობილო გზების დეპარტამენტი ახორციელებს.

ქ. ამბროლაურში კოსტავას ქუჩის მიმდებარედ, მდ. კრიხულას სანაპიროზე, სოციალურ-ეკონომიკური და კულტურული როლის გაზრდის მიზნით, მიმდინარეობს მრავალფუნქციური ცენტრის მშენებლობა. ასევე დასრულდა ქ. ამბროლაურში ამფითეატრის მშენებლობის პროექტირება.

სტიქიის სალიკვიდაციო ღონისძიებებისათვის, მიმდინარე წელს, მუნიციპალიტეტს სახელმწიფო ბიუჯეტიდან გამოეყო 3 025 000 ლარი.

სოფლის მხარდამჭერი პროგრამის ფარგლებში 2023 წელს 12 სოფელში მოწესრიგდა განათება. 1 სოფელში – სპორტული ინფრასტრუქტურა. 5 სოფელი – სასაფლაოს შემოღობვა. მოსაცდელი – 1 სოფელი. სველი წერტილის მოწყობა – 1 სოფელი. 24 სოფელში – სასმელი წყალი. 5 სოფელში – მოეწყო საბავშვო სკვერი. სანიაღვრე არხები – 3 სოფელში. საუბნო გზა – 13 სოფელში. ნაპირსამაგრი – 1 სოფელში. ხიდბოგირი – 2 სოფელში.

აღსანიშნავია, რომ 2023 წელს ამბროლაურის მუნიციპალიტეტში პირველად გაიხსნა საგამოცდო ცენტრი, რაც აბიტურიენტებს აძლევთ, როგორც დროის ისე ფინანსური რესურსის დაზოგვის შესაძლებლობას.

ჯანმრთელობის და სოციალური დაცვის სფეროს დაფინანსების მიზნით 2023 წელს ადგილობრივი ბიუჯეტიდან გამოიყო 768 100 ლარი, დაფინანსდა 16



წინ სეკიოზიდი საქმეები გასაკეთებელი

სოციალური და 5 სამედიცინო მომსახურების ქვეპროგრამა.

მერმა გაახმოვანა ის სიახლეები, რომელთა განხორციელება იგეგმება 2024 წელს. კერძოდ იწყება მნიშვნელოვანი პროგრამის განხორციელება, რომელიც გულისხმობს უსახლკარო ოჯახებისთვის საცხოვრებელი სახლების მშენებლობას, რისთვისაც პირველ ეტაპზე ადგილობრივი ბიუჯეტიდან 100 000 ლარია გამოყოფილი. პროგრამა ითვალისწინებს მოწყვლადი კატეგორიის ოჯახებისათვის მინიმალური საცხოვრებელი პირობების შექმნას მუნიციპალიტეტში და ინდივიდუალური საცხოვრებელი სახლების მშენებლობას. მიმდინარე წელს შესაძლებელი იქნება ორი ოჯახის დაკმაყოფილება.

მუნიციპალიტეტის მერმა მადლობა გადაუხადა დამსწრე საზოგადოებას თანადგომისა და ერთობლივი საქმიანობისათვის. გამოთქვა რწმენა, რომ საქმიანი, ურთიერთ პატივისცემის ვითარებაში თანამშრომლობა კვლავაც გაგრძელდება და მოსახლეობის აქტიური ჩართულობით, ყველა რგოლის ერთ გუნდად შეკრული ქმედებებით მიღწეულ იქნება ის შედეგი, რასაც ჰქვია ამბროლაურის მუნიციპალიტეტის ცნობადობის გაზრდა და ქვეყნის მასშტაბით მონიხვე პოზიციებზე ყოფნა.

საინფორმაციო შეხვედრა

გარემოს დაცვისა და სოფლის მეურნეობის სამინისტროს, დაცული ტერიტორიების სააგენტოს ინიციატივით, რაჭა-ლეჩხუმისა და ქვემო სვანეთის რწმუნებულის ადმინისტრაციისა და საქართველოს იუსტიციის სსიპ საჯარო რეესტრის ეროვნული სააგენტოს ორგანიზებით, ხუთი დღის განმავლობაში, მიმდინარეობდა ამბროლაურის მუნიციპალიტეტში სამოქალაქო საზოგადოების და დაინტერესებული მხარეების მონაწილეობით საინფორმაციო შეხვედრები რაჭის დაცული ტერიტორიების განვითარებისა და დაგეგმილი პროექტების შესახებ, სადაც დეტალურად იქნა განხილული რაჭის რეგიონში დაცული ტერიტორიების განვითარების მნიშვნელობა და მასთან დაკავშირებული საკითხები.

შესაბამისად, შეხვედრებზე მოქალაქეებმა მათთვის საინტერესო თემებთან დასმულ შეკითხვებზე კონკრეტული პასუხები მიიღეს კომპეტენტური პირებისაგან.

ძირითადი პრიორიტეტი: საგზაო ინფრასტრუქტურის მოწესრიგება

ამბროლაურის მუნიციპალიტეტში რეგიონებში განსახორციელებელი პროექტების ფონდის დაფინანსებით მასშტაბური პროექტები ხორციელდება. მათ შორის გამოკვეთილად პრიორიტეტულია საგზაო ინფრასტრუქტურის მოწყობა. სოფელ ზნაკვაში 3.7 კილომეტრამდე გზაზე იგება ბეტონის საფარი. პირველი ეტაპის სამუშაოების ღირებულება 424 000 ლარს შეადგენს.

ბეტონის საფარის დასაგებად მოსამზადებელი სამუშაოები მიმდინარეობს აგრეთვე სოფელ ბოსტანაში, პროექტის ღირებულება 157 000 ლარია და სამუშაოები წელსვე დასრულდება.

საუბნო გზების სარეაბილიტაციო სამუშაოები აქტიურად მიმდინარეობს სოფლებში კვაცხუთსა და ხიმშიცი. კვაცხუთის პროექტის სრული ღირებულებაა 838000 ლარი და გარდამავალია. წელს შესრულდება 325000 ლარის სამუშაო. ხიმშიცი კი დაიხარჯება 575 000 ლარი.



ინფორმაცია

ინფორმაცია

ამბროლაურის მუნიციპალიტეტის მერიაში ადმინისტრაციულ ერთეულებში მერის წარმომადგენლებთან გამართულ მორიგ სამუშაო შეხვედრაზე მსჯელობა წარმოადგენდა ადგილობრივი მნიშვნელობის საკითხების განხილვას და კავშირებით დაგეგმილი წინამოსამზადებელი სამუშაოების მიმდინარეობაზე. მუნიციპალიტეტის მასშტაბით განსაკუთრებით პრობლემური მონაკვეთებისა და სასაფლაოებთან მისასვლელი გზების განმედიტი სამუშაოების დაჩქარებაზე, რათა გადაადგილება შესაძლებელი იყოს ნებისმიერი სახის სატრანსპორტო საშუალებისთვის.

თათბირზე განიხილეს აგრეთვე საგზაო ინფრასტრუქტურისა და წყალსადენი სისტემების მოწესრიგების საკითხი. აღინიშნა, რომ მუნიციპალიტეტი აქტიურ რეჟიმში მუშაობს თითოეული პრობლემის აღმოსაფხვრელად, თუმცა ეს მიმართულებები კვლავ მთავარ გამოწვევად რჩება.

შეხვედრაზე საუბარი მიმდინარე წელს „სოფლის მხარდაჭერის“ პროგრამის ფარგლებში განსახორციელებელ პროექტებზეც გაგრძელდა.

წარმომადგენლებს მოსახლეობის მიმართებზე სწრაფი რეაგირება და მათთვის მერიაში მოქმედ პროგრამებზე დეტალური ინფორმაციის მიწოდება დაევალებათ.

ამბროლაურის მუნიციპალიტეტის მერიაში გამართულ მორიგ შეხვედრაზე იმ კომპანიების წარმომადგენლებთან, რომლებიც მუნიციპალიტეტში სხვადასხვა ინფრასტრუქტურულ პროექტს ახორციელებენ მოსმენილ იქნა დეტალური ინფორმაციები სამუშაოების მიმდინარეობასთან დაკავშირებით.

მართალია, სამუშაოების მიმდინარეობის ტემპი დამაკმაყოფილებელია და ხარვეზები გზადაგზა სწორდება, მაგრამ მშენებლებს მკაცრად შეახსენეს, რომ მაქსიმალურად კონტროლდება შესრულებულ სამუშაოთა ხარისხი და ხელშეკრულებით გათვალისწინებული ვადების დაცვის საკითხი.

შესაბამისად, მშენებარე ობიექტებზე ადგილობრივი თვითმმართველობის ხელმძღვანელი პირების მონიტორინგის მიზნით, მერიის ინფრასტრუქტურისა და ზედამხედველობის სამსახურების წარმომადგენლებთან ერთად, სამუშაო პროცესების ადგილზე გაცნობა კვლავაც სისტემატიურად გაგრძელდება.

სახელმწიფო რწმუნებულის ადმინისტრაციაში ონლაინ რეჟიმში გამართა – სეპარირებული ნარჩენების მართვის მიმართულებით სამუშაო შეხვედრა, რომელსაც რაჭა-ლეჩხუმისა და ქვემო სვანეთის რეგიონში შემავალი მუნიციპალიტეტების მერები და ჩეხეთის რესპუბლიკის კარიტასის წარმომადგენლები ესწრებოდნენ.

აღსანიშნავია, რომ ჩეხეთის რესპუბლიკის კარიტასი მუშაობს საპროექტო იდეაზე, რომლის მიზანია რაჭა-ლეჩხუმისა და ქვემო სვანეთის მუნიციპალიტეტების შესაძლებლობების გაძლიერება ნარჩენების მართვის მიმართულებით. საპროექტო იდეა ეფუძნება სეპარირებული ნარჩენების ხარვეზეფექტიან და ორგანიზებულად მართვას.

ამბროლაურის მუნიციპალიტეტის მეორე მოწვევის საკრებულომ სამოცდამეოთხე (რიგგარეშე) სხდომაზე ცვლილებები შეიტანა მუნიციპალიტეტის საკრებულოს 2018 წლის №19 დადგენილებაში, 2024 წლის №16 და №17 განკარგულებებში.

თანხმობა მისცა მუნიციპალიტეტის მერს. „ქ. ამბროლაურში მახალდიანის ქუჩაზე (ავტოსადგურის მიმდებარედ) არსებული საზოგადოებრივი საპირფარეოს (ს/კ №86.19.21.116) პირდაპირი განკარგვის წესით, სარგებლობის უფლებით, სასყიდლიანი იჯარის ფორმით, 20 წლის ვადით, დავით ბათხაძისათვის (პ/ნ 04001001992) გადაცემაზე.

სხდომამ ცვლილება შეიტანა ასევე „ამბროლაურის მუნიციპალიტეტის 2024 წლის ბიუჯეტის დამტკიცების შესახებ“ ამბროლაურის მუნიციპალიტეტის საკრებულოს 2023 წლის №38 დადგენილებაში.

ამბროლაურის მუნიციპალიტეტის მეორე მოწვევის საკრებულოს 65-ე რიგგარეშე სხდომამ ცვლილებები შეიტანა საკრებულოს 2017 წლის №18, №10 დადგენილებებში, 2023 წლის №86 და 2017 წლის №20 განკარგულებებში.

დამტკიცა საქართველოს სახელმწიფო ბიუჯეტით გათვალისწინებული ქვეყნის რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში ამბროლაურის მუნიციპალიტეტში დასაფინანსებელი პროექტების წუსხა და გამოყოფილი თანხის დასახლებების მიხედვით განაწილება.

თანხმობა მისცა მუნიციპალიტეტის მერს საგრანტო კონკურსის „შემოქმედებითი კომპასი საქართველო“ ფარგლებში ფიზიკური ინფრასტრუქტურის აღწერის განხორციელების მხარდაჭერის შესახებ გრანტის მიღებასა და ხელშეკრულების გაფორმებაზე.



ამბროლაურის მუნიციპალიტეტის მეორე მოწვევის საკრებულოს 66-ე მორიგმა სხდომამ მოისმინა და შეაფასა მუნიციპალიტეტის მერიის ეკონომიკისა და ქონების მართვის, საფინანსო-საბიუჯეტო სამსახურების ხელმძღვანელების ანგარიშები 2024 წლის პირველ კვარტალში განხორციელებული საქმიანობისა და ბიუჯეტის პირველი კვარტლის შესრულების შესახებ.

ბიუჯეტის პირველი კვარტლის შედეგები როგორც საშემოსავლო ისე საგადასახადო ჭრილში წარმოდგენილ და განხილულ იქნა პუნქტობრივად. ბიუჯეტის შემოსულობებმა შეადგინა 5043,9 ათასი ლარი. მათ შორის შემოსავლებმა 3582,7 ათასი ლარი, აქედან გადასახადებმა 2652,5 ათასი ლარი. სხვა შემოსავლები შესრულებულია 112 %-ით. მათ შორის საკუთრებიდან 142 %-ით.

აღინიშნა, რომ მუნიციპალიტეტის 2024 წლის ბიუჯეტი კანონის ჩარჩოებშია, ხარვეზა გეგმაზომიერი, რაც იძლევა სასიკეთო საქმეების კეთების საშუალებას.

ადგილობრივთა არჩევანითა და ჩართულობით

წლებია, საქართველოს რეგიონებში განსახორციელებელი პროექტების ფონდიდან, „სოფლის მხარდაჭერის პროგრამის ფარგლებში“ მოსახლეობას საჭირობო საკითხების მოსაგვარებლად ეძლევა მცირე პროექტების არჩევანის საშუალება. წელსაც ამბროლაურის მუნიციპალიტეტს საქართველოს მთავრობის განკარგულების საფუძველზე გამოეყო სახელმწიფო ბიუჯეტიდან 734 000 ლარი. თითოეულ სოფელზე გათვალისწინებულია 10000-10000 ლარი.


მოსახლეობასთან გამართულ შეხვედრებზე გამოთქმულ წინადადებებზე დაყრდნობით 18 ადმინისტრაციულ – ტერიტორიულ ერთეულში შემავალ სოფლებში განხორციელდება 69 პროექტი. რომელთაგან 16 პროექტი ითვალისწინებს სასმელი წყლების, სათავე ნაგებობებისა და სისტემების მოწეს-

რიგებას. 13 სასოფლო და შიდა საუბნო გზების რეაბილიტაციას, 9 სასაფლაოების შემოღობვას და მისასვლელი გზების კეთილმოწყობას. 12 სანიაცვრე არხების, განათების და ასფალტის ბეტონის გზის მოწყობას.

სოფლების ნაწილმა არჩევანი გზისპირა მოსაცდელის, სკვერების, სპორტული მოედნის მოწყობის და ხიდის რეაბილიტაციაზე გააკეთა.

აღსანიშნავია, რომ მუნიციპალიტეტის მერია ადგილობრივი ბიუჯეტიდან თანადაფინანსებით ამჯერადაც შეეხიდა რამოდენიმე სოფელს. კერძოდ ჭრებალოში, ბუგეულში ტყეშელაშვილების უბანში, სადმელში და ძირაგეულში სანიაცვრე არხების მოწყობაზე, პირველ ტოლაში თვარაძეებისა და ქექნაძეების შიდა საუბნო გზების რეაბილიტაციაზე, მეორე ტოლაში სასაფლაოების შემოკავება-

„საქართველოს მთებში გაგაჩინა ზენამ, ხმათა სვერდების და ღმერთების ენა!“



მსოფლიოში არსებულ იმ 14 დამწერლობა – ენას შორის უძველესია და ქართველთათვის განძი მშობლიური ენა – ქართული, რომელსაც საფრთხე შეექმნა 1978 წელს, მაგრამ მოსახლეობამ, ინტელიგენციის წარმომადგენლებთან ერთად, მასობრივი გამოსვლით შეძლო მისი დაცვა და 1990 წლიდან 14 აპრილი დააწესა დედაენის დღედ.

ამბროლაურის მუნიციპალიტეტში დედაენის დღისადმი მიძღვნილი საინტერესო შეხვედრები გაიმართა. მაგალითად ღონისძიებებით „ჰიმნი დედა ენას“, „ქართული ქართველთ რწმენა“, „ო, ენავ ჩემო...“ საბავშვო ბიბლიოთეკამ, კვაცხუთისა და ველევის საჯარო სკოლებმა მოსწავლე-ახალგაზრდობას ერთხელ კიდევ მიანოდეს სწორი ინფორმაცია მასზე, რომ ქართულ დამწერლობას მრავალსაუკუნოვანი ისტორია აქვს, რომ ის არის განძი, რომელსაც საფრთხე არასდროს უნდა შეექმნას, ეს არის ის, რასაც ყველაზე მეტად სჭირდება ახალგაზრდებისაგან დაცვა და გაფრთხილება.

კეთილმოწყობაზე, ბოსტანაში, ხვანჭკარაში სასმელი წყლის რეაბილიტაციაზე, კლდისუბანში შიდა საუბნო გზების და სასმელი წყლის სისტემის რეაბილიტაციაზე, წესში სანიაცვრე არხების მოწყობასა და განათების გაგრძელებაზე, ლიხეთში ბუშიდების საუბნო გზისა და ურავში სასაფლაომდე მისასვლელი შიდა საუბნო გზის რეაბილიტაციაზე, ნიკორწმინდასა და ხარისთვალზე სასაფლაოების შემოღობვა-კეთილმოწყობაზე (ერთობლივი პროექტი №55 – №56) თანადაფინანსების თანხამ შეადგინა 60 ათასი ლარი. ე.ი. სულ დაიხარჯება 798000 ლარი.

ცხადია, მონიტორინგი მიმდინარეობაზე იქნება ადგილობრივი ხელისუფლებისაგან, მაგრამ მოქალაქეობრივი პასუხისმგებლობა ეკისრება როგორც მშენებლებს, ისე ადგილობრივ მოსახლეობასაც.

„აკაჩუქია ეკიმიანის ცოცხალი“

35 წელიწადია საქართველოში ამ სიტყვებზე შექმნილი საოცარი მუსიკა ნებისმიერ ქართველში სიამაყესთან ერთად გულსტიკვილსაც იწვევს.

სიამაყესთან იმიტომ, რომ 1989 წლის 9 აპრილს ფაქტიურად დამოუკიდებლობისთვის ბრძოლის მძლავრად ნაფეთქმა წყურვილმა მსოფლიოს დაანახა ქართველების ერთად ყოფნის ძალა. თუმცა ერს დაუტოვა დიდი ტკივილის განცდაც, რადგან თავისუფლებისათვის ბრძოლამ 21 სრულიად უდანაშაულო ახალგაზრდის სიცოცხლე შეინარა და უამრავი ადამიანი კი მიიწამლა.



დალუპულთ, ქვეყნის დამოუკიდებლობისთვის შეწირულ გმირად მოიხსენიებენ და ასე შევიდა ისტორიაში მათი სახელები. ერმა 9 აპრილი ეროვნული ერთიანობის დღედ გამოაცხადა.

35 წელიწადია ადამიანები მუხლმოდრეკით მიაგებენ მათ ხსოვნას პატივს და უამრავ ყვავილს უფენენ ფიანდაზად მათ სულს არამარტო მრავლის მნახველი და მრავლის მოწმე რუსთველის პროსპექტზე, არამედ ქვეყნის მასშტაბით.

ქ. ამბროლაურში 9 აპრილის მემორიალს არ მოკლებია ყვავილები და სანთლები. სახელმწიფო რწმუნებულმა **პაპუნა მარგველიძემ** და მუნიციპალიტეტის მერმა **ზვიად მხვიტიამ**, სხვადასხვა სამსახურების ხელმძღვანელებთან და თაობების წარმომადგენლებთან ერთად ყვავილებით შეამკეს მემორიალი და წუთიერი ღუმლით პატივი მიაგეს გმირების ხსოვნას.

მოსწავლე-ახალგაზრდობამ შემოთავაზებული ღონისძიებით მადლობა გადაუხადა გმირებს თავისუფლებისათვის.

ახლა 2024 წელიწადია. 35 წელიწადი გავიდა იმ ავად მოსაგონარი დღიდან. თუმცა ქვეყანა მინც ფარულ ომშია ჩართული. მადლობა თავისუფლებისათვის.

მოგონებათა კიდობანით მოწესრიგებული ხსოვნის თარო

მისასალმებელი ფაქტია, რომ მთავარი ბიბლიოთეკის მესვეურნი მუნიციპალიტეტში არა მარტო წიგნის მცველებს და პროპაგანდისტებს წარმოადგენენ, არამედ მრავალფეროვანი, საქმიანი ღონისძიებებითა თუ საზოგადოების ღირსეულ წარმომადგენლებთან სალონური შეხვედრებით, ამ გაუცხოებულ გარემოში, მაინც ახერხებენ ადამიანებს დაავიწყონ ყოველდღიური საფიქრალ-საზრუნავი, აჩუქონ ბედნიერი წუთები და ათქმევინონ: მადლობა იმისათვის, რომ არსებობთ. მისაბამ ადამიანებს უფრო ახლოს გვაცნობთ და ცხოვრების ხალისს გვიბრუნებთ.



ცხოვრების რამდენიმე საათი კი ნამდვილად გაახალისა და ბევრ რამეზეც დაგვაფიქრა ეკატერინე ჭიჭინაძის წიგნმა „ჩემი კრიალოსანი“. პრეზენტაციის დისკუსიის შემდეგ კარგად გათვალეს. ეს იყო თითქოს ოფიციალური, მაგრამ ნამყვანის ირინა ჩხრაძის მიერ განსხვავებულ ფორმატში, სხვადასხვა სფეროს წარმომადგენელთა სიმრავლითაც გამორჩეული შეხვედრის (ყვავილების, ლექსის, მუსიკის თანხლებით) ისე წარმართა, რომ თავისთავად გამოვიდა თბილი, უშუალო და ბუნებრივი. კულტურის ცენტრის დირექტორის თამაზ დაუშვილის, რესურს ცენტრის ხელმძღვანელის კახა რეხვიამვილის, ადგილობრივი გაზეთის რედაქტორის დალი დარახველიძის, მშობლების მაკა ნეფარიძის, ნანა გორგაძის, ბიბლიოთეკის სამხატვრო ხელმძღვანელის გურამ გორდეზიანის, ახალგაზრდა პოეტის დავით კიკვაძის, ქალაქის მე-2 საჯარო სკოლის პედაგოგის მია დგაგაძის, ბიბლიოთეკის ხელმძღვანელის გულიკო სალინაძის და სხვათა შეფასებები იყო ნრფელი, განცდილი გულიდან ალაღად ამონათქვამი.

დამსახურებული მასწავლებლის – ეკატერინე ჭიჭინაძის პიროვნებას თითქმის ყველა იცნობს არა მარტო ჩვენს მუნიციპალიტეტში, როგორც განათლებულს, მრავალი თაობების აღმზრდელ პედაგოგს, ველევის სკოლის დირექტორს, დედას, ზოგადად სოფლის, ერის და ქვეყნის ჭირისუფალს კალამიც რომ უჭრის, მაგრამ პოეზიის, პროზისა და პუბლიცისტიკის ასეთი ნაზავის ავტორს ბევრი ვერ წარმოიდგენდა.

დღეს ბევრი იჩემებს პოეტობას, საკუთარი ფინანსებით წიგნებსაც ბეჭდავენ, მაგრამ მცირე გამოცემის გარდა, მაკულატურად რჩება, რადგან ლექსებით პოეზია არ არის და შესაბამისად მკითხველიც არა ჰყავს. „ჩემი კრიალოსანი“ ამ მხრივ გამოინაკლისა. დაიწყო ვეღარ მოწყდები. ტკბილ-მწარე მოგონებებიც კი ისე ახლბეულია. მართლა გულის მონანურია, ცხოვრების კრიალოსანია. კითხულობ და გიხარია, რომ წიგნის ავტორი ნაღდი რაჭველია. აკი თვითონვე ამბობს „ნაღდი რაჭველი მხოლოდ ის არის, ვინც რაჭაში ძლებს ახლა“. 50 წელზე მეტია გაძლი და ძლებს ახლაც უკიდევანო თმენით, უფლისა და იმ კეთილი ადამიანების იმედით ადრე მას რომ გვერდში დაუდგნენ. მაგალითით იხელმძღვანელა და ბევრს, შეცდომების მიხედვით და გააზრების შანსის მიცემით, თვითონაც დაეხმარა სხვას და თან თაობებს მოძღვრავს: მერე ის სხვაც დაეხმარება სხვას და ასე გაადვილებს ცხოვრების გზაზე სვლას. ბედნიერება ასეთ პედაგოგს მიაბარო სანერთუნელად შეიძლება. ასეთებს ეფერებიან და უფროთხილდებიან. მთავარი ბიბლიოთეკის თანამშრომლები, პრეზენტაციის მონაწილეებიც იმ დღეს ქალბატონ ეკას წიგნით „ჩემი კრიალოსანი“ ნამდვილად შეგვივსეთ „მოგონებათა კიდობანით მოწესრიგებული ხსოვნის თარო“. მადლობა თქვენ და წიგნის ავტორს ეკა ჭიჭინაძეს.

„მადლი ქენი ქვანე დადე...“

დღეს საზოგადოების გარკვეული ნაწილი 21-ე საუკუნეს უსირცხვილოს უწოდებს. რატომ? იმიტომ რომ სულიერება გვაკლია, მოსმენის კულტურა, ფასეულობები ქრება... ცოცხალი მაგალითი ვარ. სოციალურად დაუცველის სტატუსის მქონე ადამიანს ხელთ მეპყრა დოკუმენტები, მაგრამ ვერა და ვერ ვიმტკიცებდი მამაპაპისეულ მინის იმ ნაკვეთს შაორზე, რომლითაც წლების მანძილზე ვსარგებლობდი.

უსამართლობაზე, უფრო ადამიანთა დაუზუსტებელ მონაცემებზე დაყრდნობით, აგებულად დაუსაბუთებელი არგუმენტების მოსმენამ მიკარნახა ბრძოლის გაგრძელება. მიჩრჩეს, სხვაგან რას ეძებ სამარ-

თალს, ჩვენთანვე მოქმედ იურდიული დახმარების სამსახურის ამბროლაურის საკონსულტაციო ცენტრის იურისტს მიმართეო.

გავიფიქრე რას ვკარგავ, ვსინჯავ მეთქი და დღემდე ვადანაშაულებ თავს, რატომ თავიდანვე არ მიემართე ქალბატონ **თეა ჩიკვაძეს**. მშვიდად, წყნარად მომისმინა. ყურადღებით გაეცნო დოკუმენტებს. თავიდან კი არ მომიშორა, არამედ დამაკავალიანა, როგორ და რა უნდა გამეკეთებინა. სათანადო დოკუმენტების წარდგენის შედეგი ნამდვილად მოულოდნელი იყო. ნაკვეთი კვლავ ჩემს კერძო საკუთრებაში დარეგისტრირდა.

სარედაქციო ფოსტადიდან

ქალბატონო თეა! დედაპილიურად გლოცავთ და მადლობას ვუხდით არა მარტო ჩემი სახელით თქვენს მშობლებსაც, რადგან აღზრდის კვალი აშკარად იგრძნობა თქვენს მცოდნე იურისტის ქმედებაში, ადამიანებთან ურთიერთობაში. კიდევაც რომ არ დაბრუნებულიყო ჩემს ფლობელობაში ნაკვეთი (მინას საფლავში ხომ არ ნავილებ), მაინც მადლობელი დგერჩებოდი თქვენი მოსმენის კულტურით და თუ გნებავთ თმენის გამოთაც. ღმერთმა დაგლოცოთ და გაგაძლიეროთ.

მადლიერი მოქალაქეების სახელით ლინა გურგენიძე, სოფ ქელიაღელე

ფესვები მინც მშობლიურ სოფელში აჭვს

ტარიელ ლობჯანიძე იმ ახალგაზრდათაგანია, რომელმაც მონაფეობის პერიოდშივე, თავისი ულამაზესი ლუბუნის ხეობის ქიმიურ მრეწველობის პოტენციალის გათვალისწინებით, აირჩია პროფესია – სამთო საქმისა და გეოლოგიის მენეჯმენტი. მართალია, ტექნიკური უნივერსიტეტის წარჩინებული კურსდამამთავრებელი, დღეს დედაქალაქში ლიფტების კომპანიაში მოღვაწეობს და პროფესიის მიხედვით არ საქმიანობს, მაგრამ თავისი ჰორიზონტის მიღმა ოცნებაში ელოდება პერიოდს, როცა ლიხეთი, ურავი და აბარი კვლავ ხალხმრავალი იქნება და ქვეყნის ეკონომიკის გა-

ძლიერებაში თავის სიტყვას იტყვის. მანამდე, სამი შვილის მამა ფესვები მინც მთაში რომ უდგას, მონატრებულ თანასოფლელებს კაცობით, კუთხის სიყვარულით და შესაძლებლობების ფარგლებში საქმით ეხილბათ.

ახლახანს მან მშობლიურ ურავისა და ლიხეთის საჯარო სკოლებს ახალი თაობის პროექტორების გადაცემით კარგი საჩუქარი გაუკეთათ. ამით მონაწილეებს ინტერნეტის საშუალებით მეტი მასალის მოძიების საშუალება ეძლევა, რაც მათ თვალსაწიერის ამაღლებას შეუწყობს ხელს. ძლიერი და განათლებული ახალგაზრდობა სჭირდება ქვეყანას, კუთხეს. ტარიელის ჩანაფიქრის მიზანიც ეს იყო. ამისთვის პედაგოგებისა და მშობლების სახელით დიდი მადლობა მას და ვუსურვებთ წარმატებები არ მოკლებოდეს ცხოვრებაში.

გ. გურგენიძე

უცდომელად გველოთ სათუფლო გზაზე

ადამიანის საცხოვრისის მოსახლეობად მთავარი გზა და წყალია. ვინ იცის რამდენი აქვს ნაოცნებარი ველევის თემის მცხოვრებთა გზაზე, სხვა გარემოსთან დამაკავშირებელ აუცილებელ საშუალებაზე. თუ ადრე აქ, მტრისაგან ძნელად მისადგომ ადგილას, დასახლება და ცხოვრება ხელსაყრელი იყო, დროის ცვლილებამ და პროგრესმა სხვა პრობლემა დააყენა დღის წესრიგში, სახარურმე გზა აღარ აკმაყოფილებდა დროის გამოწვევას.

ოცნება ადამიანის ფანტაზიით შექმნილი უკიდევანო შესაძლებლობის სამყაროა, სადაც ყველაფერი განხორციელებადია, რაც გულს სურს და რასაც გონება მიუწვდება. ოცნება გეზია, იდეაა, რომლის რეალიზებას ფიქრი, შრომა და კაპიტალი ესაჭიროება.

ფიქრი ოცნების განხორციელების გზების ძიება, ჩხრეკა, განსჯა, მომავლის ჭკრეტა და უზენაესთან საუბარია. ველევის თემის მოსახლეობა ბევრს ოცნებობდა, ეძიებდა და ფიქრობდა ყოფის გაუმჯობესების გზებზე მაგრამ...

2023 წელს სასწაული მოხდა! ახდა ის რის შესახებ გასულ საუკუნეში კი არა, რამდენიმე წლის

წინაც ვერ გავებედავით ოცნებას – დაიგო თანამედროვე სტანდარტების ბეტონის გზა. ყველა გახარებული ვართ, განსაკუთრებით, ასაკოვნები: ამას რას მოვესწარითო! და ნატრობენ სიცოცხლის გახანგრძლივებას, რათა გული იფერონ საოცნებო გზის ცქერითა და მოხმარებით.

მართლაც, სამანქანო გზა პრობლემა იყო გასული საუკუნის 70-იან წლებამდე. სოფლის რთული გეოგრაფიული მდებარეობისა და რელიეფის გამო მხოლოდ ხის მორების საზიდი და ორხიდიანი მანქანების საავალი გზა სოფელ სხვადაიდანაც იყო, წკადის-სხარტალიდანაც, დოლაბისთავის გავლით და ახოებზეც-ბურშების, ან ბოგირიკარის გავლით, მაგრამ ყველა ეს გზა რთული დასაძლევია იყო, განსაკუთრებით წვიმიანში, დოლაბისთავის გზა დარშიც სახიფათო იყო, მსუბუქი მანქანებით გადაადგილებაზე ლაპარაკიც ზედმეტი იყო. რომელიმე ქალაქში წასასვლელად ან სხვა სოფელში გადასასადგილებლად ხაბაკ-ხუბაკით დატვირთულნი ფეხით ან ურმით უნდა ჩასულიყვნენ ხოტევსა თუ ამბროლაურში, თუ ბედი გაუღიმებდათ და ადგილს იზოვიდნენ ტრანსპორტში, იქედან უნდა გამგზავრე-

ბულიყვნენ, თუ არა და ნაცნობს უნდა მისდგომოდნენ კარს ღამის გასათევად მომდევნო დღის გამგზავრების იმედით. მე, ხოტეველს, რომ დამინახავს მოსაცდელში ბარგით დატვირთული ურმებით ჩამომდგარნი, ბევრჯერ მითქვამს გულში: სანყალი მათი თავი-მეთქი.

გასული საუკუნის 70-იან წლებში, კერძოდ 1972-1973 წლებში, გაიჭრა სამანქანო გზა სოფელ ხოტევიდან კვირიკენინდა-ველევის მიმართულებით, დაინიშნა ავტობუსიც, 3 რეისი აკეთებდა დღეში ადრე გაზაფხულიდან გვიან შემოდგომამდე, ანუ თოვლის აღებიდან დაზამთრებამდე, ამისთვის ველეველმა კაცმა!

როგორ აქვარდა დრო, ტექნოლოგიების საუკუნემ ააცხადა ადამიანის ოცნება ჯადოსნურ სარკვეზე, მფრინავ ხალიჩაზე, სწრაფმავალ ჩქემებსა და უკვდავების წყალზე, მეოცნებე ადამიანის იდეა ათასწლეულების შემდგომ ფიქრმა, შრომამ და კაპიტალმა რეალიზება აქცია. ველეველ კაცს დღეს აღარ სჭირდება ცაზე ყურება და თავის მტვრევა იმაზე ფიქრით, თუ როგორ და რით გადაადგილდეს, მაქსიმუმ 30 წუთში ამბროლაურში! დრომ, საქმიანი ადამიანების მონდომებამ და შემართებამ ოც-

მიმბაძველებიც გამოგჩენოდეთ

რატომღაც ბოლო პერიოდში საზოგადოების უმრავლესობაში დამკვიდრდა მოსაზრება იმის თაობაზე, რომ მათ მხოლოდ საკუთარ კეთილდღეობაზე, ოჯახზე უნდა იზრუნონ, ხოლო დანარჩენი რაც ქვეყანაში, კუთხეში, სოფელში თუ უზანაში მოსახლესრიგებულ, ელემენტარულიც კი, აუცილებლად სხვამ უნდა მოუგვაროთ. განსაკუთრებულად მომთხოვნი და კრიტიკულნი არიან ადგილობრივი ხელისუფლებისადმი.

საბედნიეროდ ეს სტერეოტიპი დაარღვიეს სოფელ ხოტევში ავალანების, ქვეანაშვილების და კობახიძეების უზნის მაცხოვრებლებმა. მეზობლურად, შინაურულად მოილაპარაკეს და გადაწყვიტეს, რომ საკუთარი სახსრებით მოაგვარონ სასაფლაომდე მდინარე ხოტეურაზე გასასვლელი პრობლემატური ხიდის საკითხი. შეაგროვეს თანხა, რომელზედაც 500 ლარი დაუმატათ თემურ გოცირიძემ და ააგეს კაპიტალური ხიდი, რითაც ამიერიდან მიცვალებულის სასაფლაომდე სამუდამო განსასვენებლამდე ღირსეულად მისვენების საშუალება ეძლევათ.

ყოჩაღ ავალანებო, ქვეანაშვილებო და კობახიძეებო. აი, ამას ჰქვია მოქალაქეობრივი პასუხისმგებლობა, სოფლის, უზნის სიყვარული. მიმბაძველებიც გამოგჩენოდეთ!

ნება რეალობად აქცია. მადლობა მათ! (არავის ვასახელებ, მადლობა ყველას, ვისაც წვლილი მიუძღვის, თუნდაც მცირე, ამ საუფლო საქმეში). უფალმა მოგცათ საშუალება საღმრთო საქმის კეთების. ჭეშმარიტი აღმსრულებელი ყოფილიყავით უფლის მცნების: მოგეცეს და მოგეთხოვოსო. ბევრი სასიკეთო საქმე გეკეთებინოთ. ღმერთის მფარველობის ქვეშ ყოფილიყავით მუდამ, მრავალი წელიწადი დააძველეთ წარმატებით! ხალხიც კმაყოფილი ყოფილიყოს თქვენი საქმიანობით და ფეხდაუცდომლად გველოთ საუფლო გზაზე.

პაპ ჭიჭინაძე, სოფ. ველევი

სახელმწიფო რწმუნებულის ადმინისტრაციის – „საქართველოს ბავშვთა და სასკოლო სპორტის ეროვნული ფედერაციის“ წარმომადგენლობასთან სამუშაო შეხვედრა გაიმართა, შეხვედრაზე სიმბოლური ჯილდო გადაეცა ამბროლაურის მუნიციპალიტეტს, რომელიც 2023 წლის საუკეთესო მუნიციპალიტეტად დასახელდა.

აღსანიშნავია, რომ სასკოლო სპორტული ოლიმპიადის თამაშებში ჩართულია საქართველოს 1700-ზე მეტი სკოლის 100 000-მდე მოსწავლე. ოლიმპიადები კი შედგება მუნიციპალური, რეგიონული, აღმოსავლეთ და დასავლეთ საქართველოს თამაშებისა და დასკვნითი ეტაპებისგან.

შეხვედრის მიზანს წარმოადგენდა 2024 წლის სასკოლო სპორტის პროგრამებისა და საპილოტე პროექტის „საქართველოს თავისუფლების თამაშები“ განხილვა.

აპრილი სპორტის სხვადასხვა სახეობებში მოპოვებული წარმატებებით კარგი თვე აღმოჩნდა.

- ამბროლაურის მუნიციპალიტეტის სასპორტო სკოლის ფრენბურთის გოგონათა გუნდმა პირველი ადგილი დაიკავა ქალაქ ქობულეთში ჩატარებულ ტურნირზე „ქობულეთის ღია პირველობა ფრენბურთში“ (მწვრთნელი გია შარაბიძე)



- ამბროლაურის მუნიციპალიტეტის სასპორტო სკოლაში ტარიელ, კობა და დავით კობახიძეების ხსოვნისადმი მიძღვნილ კალათბურთში ჭაბუკთა შორის. გამართულ ტურნირზე მონაწილეობა მიიღეს: სენაკის, ხონის, ბორჯომის, ცაგერის და ამბროლაურის გუნდებმა. ტურნირზე მეორე ადგილი დაიკავა ამბროლაურის სასპორტო სკოლის გუნდმა

*ქალაქ თბილისში გაიმართულ „საქართველოს ჩემპიონატი კუდოში – 2024“, წარმატებით იასპარეზა ამბროლაურის მუნიციპალიტეტის სასპორტო სკოლის გუნდმა (მწვრთნელები: დავით დუშუაშვილი, გიორგი კერესელიძე).

გულოცავთ ახალგაზრდა სპორტსმენებსა და მათ მწვრთნელებს მიღწეულ წარმატებას!



პარტი დასაწყისი, უკეთესი მოლოდინი

ამბროლაურის კულტურის ცენტრმა 2024 წელი საახალწლო ღონისძიებითა და საუკეთესო თანამშრომლების დაჯილდოებით დასრულდა და მსმენელზე საინტერესო ღონისძიებების შეთავაზებით თუ ვიმსჯელებთ მუნიციპალიტეტის მოსახლეობა და მათი სტუმრები წლის ბოლომდე ნამდვილად არაერთ მრავალფეროვან პროგრამას იხილავს.

კულტურის ცენტრმა მსმენელი იანვარში ხათუნა დარაზველიძის საიუბილეო საღამოზე მიიწვია და გადავსებულმა დარაზველიძემ ერთხელ კიდევ დაგვარწმუნა იმაში, რომ გემოვნებიანი, ხარისხიანი კონცერტები თუ სპექტაკლები ხალხს ენატრება და არც ოვაციას იშურებენ.

დაიმსახურა ქალბატონმა ხათუნამ. ის ხომ 22 წელია რაც კულტურის სფეროში მოღვაწეობს, არის ქალთა ანსამბლ „იანვანას“ სოლისტი, წამყვანი მეორე ხმა, აგრეთვე გახლავთ საესტრადო ჯგუფ „თეატრონის“ წევრი და პედაგოგი, რომელიც 32 წელია დაუღალავად, ენერგიულად ემსახურება თავის საყვარელ პროფესიას.

სალამოს დასასრულს, ხელისუფლების წარმომადგენლებმა ქალბატონ ხათუნას სიმბოლური საჩუქრები გადასცეს.

შემდეგ იყო ანსამბლის „საგალობელი“ სოლო კონცერტი. შეიძლება ითქვას, რომ დედაქალაქიდან წარმატებული გასტროლიდან დაბრუნებულმა 45 წლის ისტორიის მქონე ანსამბლმა ანგარიში ჩააბარა მსმენელს და დაარწმუნა იმაში, რომ მიზნისათვის არ უღალატებია. 1973 წელს ლოტბარ როსტომ გოგოლაძის თაოსნობითა და ხელმძღვანელობით შექმნილი ანსამბლის მიზანი თავიდანვე. ტრადიციული რაჭული ნიმუშების აღდგენა-პოპულარიზაცია იყო. წარმატებითაც განხორციელდა რაჭული და საქართველოს სხვადასხვა კუთხის ფოლკლორული ნიმუშების აღადგენა.

დღეს ქვეყანაში და მის გარეთაც აღიარებულ, უამრავი ჯილდოს, სიგელის და სახალხო ანსამბლის სტატუსის მქონე კოლექტივის წარმატებით ხელმძღვანელობს ლოტბარი თორნიკე სხიერელი, რაზედაც მეტყველებდა თითოეულ შესრულებულ ნიმუშზე დარბაზის რეაქცია და სამხარეო ადმინისტრაციისა და ამბროლაურის მუნიციპალიტეტის მერიის სახელით ქართულ ფოლკლორში შეტანილი წვლილისთვის მადლობის სიგელის გადაცემა.

კულტურის სახლის სახალხო თეატრმა ამ დღეებში სამეზობლოდან კოლეგებსაც უმასპინძლა. ცაგერის სახალხო თეატრის კოლექტივმა ამბროლაურელი მსახიობების სამსჯავროზე ვაჟა ფშაველას ნაწარმოებების მიხედვით ნ. სილაგაძის რეჟისორო-

ბით შექმნილი სპექტაკლი „სტუმარ-მასპინძელი“ გამოიტანა და შესაბამისად, შეფასებაც მაღალი მიიღო. მართლაც კარგი დასაწყისია. აღსანიშნავია ისიც, რომ მსახიობების ინტერესი გაიზარდა, სიახლე-



მუნიციპალიტეტის მოსწავლე-ახალგაზრდობამ პირველი ნახვისთანავე თბილად მიიღო და შეიყვარა სპექტაკლი „მელაკუდას ოინები“. დამდგმელმა რეჟისორმა და მსახიობმა გელა ისიანმა, მსახიობებმა დავით დუშუაშვილმა, ნანა ლებანიძემ, ოლიკო და ქეთევან ფოფხაძეებმა ძალზე საინტერესო და დამახასიათებელი სახეების შექმნით მსახიობებს დასამახსოვრებელი ნუთები აჩუქეს.

ასევე საინტერესო და წარმატებული აღმოჩნდა კულტურის ცენტრთან არსებული თოჯინების თეატრის ქუთაისელ კოლეგებთან სტუმრობა. ი. გოგებაშვილის სახელობის სახელმწიფო პროფესიული თოჯინების თეატრში გამართულ სპექტაკლს მსახიობების აპლოდისმენტები არ მოკლებია.

ბის მოლოდინშია, რაც ხელოვანთათვის ერთგვარი სტიმულირებაცაა. იმედია, კულტურის ცენტრის სამსახურები ამბროლაურელ მსახიობებსა და მსმენელს წლის დარჩენილ პერიოდშიც ამ სიამოვნებას არ მოაკლებენ.

6 მაისი - მიცვალებულთა მოხსენიების დღე

ქართველებს არ გვესწავლება გარდაცვლილი ახლობლების საფლავების მოვლა და მათი ხსოვნისადმი რიტუალების აღვლენა, მაგრამ წელიწადში ერთი დღე მაინც გამოჩნდება. ესაა მიცვალებულთა მოხსენიების დღე, რომელიც ქვეყანაში ტრადიციულად აღდგომის მეორე დღეს აღინიშნება და მასშტაბურ ხასიათს იღებს ახლობელთა საფლავებზე გასვლა, მათი ხსოვნისადმი პა-

ტივიკება. წელს ასეთია 6 მაისი. სამწუხაროდ, ამბროლაურის მუნიციპალიტეტში განსაკუთრებულად მტკივნეულია ეს თემა, რადგან გვტოვებენ უფრო მეტი ვიდრე იბადებიან. შარშანაც 249 ადამიანი დააკლდა მუნიციპალიტეტის მოსახლეობას. მიმდინარე წლის განვლილ პერიოდშიც ბევრმა გვატკინა გული. მათ შორის ტრაგიკული აღსასრულით ბუდე დვალაძემ.

ასევე ლევან რაზმაძემ, რეზო გოგოლაშვილმა, თათარ გელოვანიშვილმა, პეტრე კერესელიძემ, მანანა იაშვილმა და სხვებმა ოჯახის წევრებთან ერთად, ახლობლებისა და მეგობრების ალალის ცრემლი რომ გაიყოლეს თან. ნათელი და მარადიული სასუფეველი მათ და იმ ამბროლაურელთა სულებს, რომლებიც წლების უკან უხედობდნენ რაიონს და დღეს ჩვენს მოგონებებში ცოცხლობენ.

თაღლიპო შავლაძის ბახსენება

ენერგიული, პრინციპული, ზოგჯერ მკაცრიც, მაგრამ ადამიანისადმი დახმარების ხელის გამწვანელი და ვაჟკაცურად მხარში დამდგომი. ასე ხასიათდებოდა სანათესაოში და საზოგადოებაში თაღლიპო შავლაძე, რომელიც მედლაზე ნიკორწმინდის საშუალო სკოლის დამთავრებისთანავე ჩაირიცხა სახელმწიფო უნივერსიტეტში, რომლის წარჩინებით დამთავრების შემდეგ წლები იმოღვაწა მშობლიურ რაიონში ხელმძღვანელ თანამდებობებზე განათლების, საფინანსო, სტატისტიკის სამსახურებში, პარტიის რაიკომში...

საყვარელი რძლისა და ძმისშვილის გარდაცვალების შემდეგ ბურჯად ედგა ძმის ოჯახს და დარდად გაიყოლა ძმის და ძმისშვილის დარდი. დაგვაკლდება მისი ომხიანი შემოძახილი, იმედად ვიტოვებთ იმას, რომ მის სულს მახსენებელი და სანთლის ანთებები არ მოაკლდება.

საახლოობლო

გოგია ნასარიძის ბახსენება

„რამდენი ჩვენგან ნასული კაცის ვერ გადავიხდით ვერასდროს ამაგს, მაგრამ ის ერთი სხვა იყო მაინც, კაცი, რომელიც დააკლდა ქალაქს...“

40-ზე მეტი ცრემლიანი დღე გავიდა, რაც ეს საწუთრო ღირსეულმა ქართველმა, საქართველოზე, რაჭაზე, მშობლიურ სოფელ – ზედა შავრაზე უსაზღვროდ შეყვარებულმა პიროვნებამ, გოგია ნასარიძემ, დატოვა. იგი გამოჩნეული იყო ადამიანური ღირებულებებით, ინტელექტით, ზნეობით, რომელიც სიკეთის მარაგს გულით თან დაატარებდა და უშურველად გასცემდა კიდევ ირგვლივ ყოველივეს. სანაცვლოდ კი, არასოდეს, არაფერს ითხოვდა. ეს კი მისი არსებობის გამოჩნეული სტილი იყო.

მოულოდნელი და ტკივილიანი იყო სოფელში გოგია გარდაცვალება. შინარსიანი 63 წლიანი გზა განვლო მან ცხოვრების მანძილზე და დატოვა ადამიანურ ფასეულობაზე, ქართულ ტრადიციებზე აღზრდილი ორი ვაკაცი. თავად კი, სულ რამდენიმე წლის წინ გარდაცვლილ მეუღლესთან, დალისთან, ერთად, შეუერთდა მარადიულ სამყოფელს. ადამიანი არის ის, რაც კაცისაგან რჩება, მასზე კეთილი მოგონება და მისი ნაკეთები საქმე. გოგია ნასარიძემ ჰუმანიზმის, მეგობრობის, უანგარობის ნამდვილი მაგალითი გვაჩვენა და ამით ნათელი სახე შექმნა ღირსეული მოქალაქისა, რომელსაც დავინება არ უნერია.

ნანა რაზმაძე

რედაქციის
და
სამხარულო

რედაქციის მისამართი:
ქ. ამბროლაური,
დავით აღმაშენებლის ქუჩა №24
ტელ: 593 60 40 67

„ამბროლაურის მოამბე“
რეგისტრირებულია ამბროლაურის
სასამართლოს მიერ.
რეგისტრაციის №15/5/103

გაზეთი დაიბეჭდა
ბაყური კილაძის მიერ
ქუთაისი, წერეთლის ქ. №186.
ტელ: 0431 23 45 54

გაზეთი დამოუკიდებელია და ხელმძღვანელობს თავისუფალი პრესის პრინციპით. რედაქციის აზრი შესაძლოა არ ემთხვეოდეს მასალის ავტორის მოსაზრებებს, ავტორი პასუხისმგებელია მასალის, ფაქტების, ინფორმაციის სიზუსტეზე, მინარსისა და სტილზე.